

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLII No. 7
Abril 7, 2011
www.philippinerevolution.net

Editoryal

Labi nga papagsikon ang mga pangmasang paghimakas batuk sa rehimeng US-Aquino

Ang mga aksyon protesta sang nagligad nga simana batuk sa nagapadayon nga pagtaas sang presyo sang gasolina kag lain-lain nga produktong petrolyo nagapatampok sa padayon nga nagabaskog nga mga aksyon protesta batuk sa kontra-pumuluyo kag maki-dumuluong nga polisiya nga ginapatuman sang rehimeng Aquino. Pila ka pulo kalibo nga pumuluyo ang nagpasakop sa mga demonstrasyon sa karsada sa mga pangunahon nga syudad sa bug-os nga pungsod.

Ang kalapad kag kasingki sang mga demonstrasyon nga ini sa mga pangunahon nga syudad salaming sang madalom kag mabaskog nga kaakig sang pumuluyo sa ginapaluntad nga polisiya kag sistema sang rehimeng Aquino. Patimaan ini sang indi lang nagapadayon nga paglala sang krisis pangkatilingban, kundi labaw pa diri, sang nagadamo nga numero sang pumuluyo nga nagatindog batuk sa nagabug-at nga palasanon nga dulot sang krisis nga ini.

Ang nagapadayon pa nga mga paghulag sang pumuluyo batuk sa pagsinaka sang presyo sang langis kabahin sang padayon nga pagbaskog sang mga pangmasa nga paghimakas halin pa sang nagligad nga tuig. Pila ka bulan lang halin nga magpungko si Aquino, gilayon niya nga ginpaibwal ang kaakig sang pumuluyo sang halos dululungan niya nga ginpatuman ang mga polisiya nga nagapabug-at sa

ila palas-anon kag nagapalala sang ila kaimulon kag kalisdanan. Ang paglaum sang pumuluyo nga makaangkon sang pagbag-o sa pagsulod sang bag-ong gubyrno gilayon nga nadula sang ipakita ni Aquino nga wala siya sang plano nga sabton ang demanda sang pumuluyo.

Pila ka bulan pa lang sa iya pagpungko sa poder, ginpakita gilayon ni Aquino kon sin-o ang tunay niya nga "boss". Sandig sa dikta sang International Monetary Fund kag World Bank, ginbuhinan niya ang badyet sa edukasyon, ikaayong lawas kag iban pang serbisyo sosyal. Kadungan sini, gin-aprubahan niya ang mga hagna nga pataason ang sukot sa mga *expressway*, lakip na ang pamasahé sa mga tren sa Kamaynilaan.

Matingkad nga ginapakita sang mga isyu nga ini ang bangian nga mga prayoridad ni Aquino pabor sa kaabyanan kag kapareho niyang sahi nga



Mga tampok sa isyu nga ini...

Protesta kontra sa pagtaas sg presyo sg langis PAHINA 3

Unyonista, mama-hayag, ginpatay PAHINA 7

Mapaslawan ang US nga paludhon ang Libya PAHINA 11

daku nga negosyante kag sa ila katuyuan nga dugang nga maghugakom pa sang ganansya.

Maathag man niya nga ginpakita ang wala niya sang balatyagon sa interes sang pumuluyo kag sa handum nila nga makatibawas sa malala nga kaimulon. Ginpalala pa ini sa pagbakal ni Aquino sang malahalon nga salakyan pangkarera para kuno sa iya pag-“relaks”. Labi lang niya nga gintum-ukan ang pagkatuhay kag pagkahamulag niya sa ordinaryo nga pumuluyo nga indi magkalaamo sa pagsapin-sapin sa matag-adlaw nga kinahanglanon sang ila mga pamilya.

Sining nagligad nga masobra tatlo ka bulan, halos kada simana nagasinaka ang presyo sang gasolina kag langis. Bunga sini, madasig nga nagatimbuok ang presyo sang pagkaon kag mga ordinaryong balaklon. Labi nga indi na mag-igo ang kulang na gani nga sweldo sang obreros, mga ordinaryong empleyado kag ordinaryong pumuluyo. Sa pihak sini, wala man lang sang ginahimo ang rehimeng Aquino agud buhinan sang bisan gamay ang kagulutmon kag pag-antus sang pumuluyo. Ginapabay-an lang sini ang mga kumpanya sang langis nga magpataas sang ila mga presyo labi pa nga sa kada

dugang nga balayran diri labi nga nagapadaku sa ginakulekta nga buhis sang gubyrno.

Nagapabulag-bulag sa tunay nga kahimtangan sang pumuluyo kag nagapabungol-bugol sa ila mga reklamo kag singgit si Aquino. Pilit niya subong nga ginapahigad ang mga panawagan para sa pagtaas sang sweldo sang obreros. Ginainsulto niya ang pumuluyo sa pagsiling nga indi pa man tuman ka dasig nga nagataas ang presyo sa desperado nga tuyo nga hataganrason ang pag-upang sa singgit nga P125 dugang sa adlawan nga sweldo.

Subong pa lang indi na matabunan sang mga ginduktor nga sarbey ang madasig nga pagtibusok sang popularidad ni Aquino. Sa tunga sang nagagrabe nga krisis sang nagaharing sistema nga malakolonyal kag malapyudal, madasig nga nagakahayag ang pagkainutil kag wala sang ikasarang, pagkapapet kag pasismo sang reaksiyunaryo nga rehimeng US-Aquino.

Ang nagapagsik nga mga aksyon protesta sining nagligad nga binulan signos sang mas daku pa nga bagyo sang mga pangmasang paghimakas sa mga maabot nga binulan kag tuig. Indi na siya mapahamtang sa iya pagpungko sa poder sa nabilin nga panahon sang iya paghari sa


paglupok sang wala-tuo nga mga pangmasang paghimakas sang nagakaakig nga pumuluyo.

Nagaluntad ang tuman ka paborable nga kundisyon para maglapad kag magbakog sang pila ka beses ang rebolusyonaryo nga kahublagang masa sa kaumhan kag kasyudaran. Wala-tuo ang mga isyu nga nagapukaw sa pumuluyo sa ila mga basehang problema kag sa kagarukan sang subong nga sistema. Ang pagbalibad man sang rehimen nga sabton ang ila mga reklamo kag lubaron ang ila mga problema nagatudlo sa ila sang kakinahanglanon nga baktason ang dalan sang paghimakas.

Nagaluntad ang kundisyon agud magpagsik kag magsulog ang kahublagan sang masang mamumugon kag sang masang anakbalhas. Mabaskog ang singgit para sa disente kag permanente nga empleyo batuk sa lapnagon nga wala sang trabaho kag pleksibilisasyon sang kusog pangabudlay, amo man para sa pagpataas sang sweldo, pagpanubo sang presyo, pabalay kag iban pang serbisyo sosyal. Sa ila mga pabrika kag mga komunidad, ginaatubang nila ang wala-tuo nga mga problema nga nagaduso sa ila nga mag-organisa kag maghulag.

Dapat malaparan sila nga abuton, pukawon, organisahon kag pahulagon. Dapat nga hugpungon sila paagi sa lain-lain nga porma sang pag-ululupod, unyon o asosasyon kag anguton sa isa kag isa paagi sa mga alyansa kag kahublagan. Dapat iangut ang ila mga matag-adlaw nga isyu kag problema sa paghimakas sang ila sektor kag bilog nga pumuluyo. Dapat isentro ang ila paghimakas batuk sa nagaharing rehimeng US-Aquino.

Pwede magtungod sang yabing papel ang mga pamatanon-estudyante sa kalitatibong pagpagsik sang demokratiko nga kahublagang masa. Sugod sadtong isa ka tuig, nagpagsik ang kahublagan sang mga pamatan-

<div><p>Tuig XLII No. 7 Abril 7, 2011</p><p>Ang <i>Ang Bayan</i> ginapagwa sa lenggwahe nga Pilipino, Bisaya, Iloko, Hiligaynon, Waray kag Ingles.</p><p>Mahimo ini <i>i-download</i> halin sa Philippine Revolution Web Central nga makit-an sa:</p><p>www.philippinerevolution.net</p><p>Nagabaton ang <i>Ang Bayan</i> sg mga kontribusyon sa porma sg mga artikulo kag balita. Ginabuyok man ang mga bumalasa nga magpaabot sg mga saway kag rekomendasyon sa ikauswag sg aton pahayagan. Malab-ot kami paagi sa <i>email</i> sa:</p><p>angbayan@yahoo.com</p></div>	
<div><h3>Kaundan</h3><hr/><p>Editorial: Papagsikon ang paghimakas kontra rehimeng Aquino 1</p><p>Protesta kontra sa pagtaas sg presyo sg langis 3</p><p>Welga sg PALEA, dayunon 4</p><p>Mga taktikal nga opensiba</p><p>BHB-Mindanao, nagabandera 5</p><p>Mga opensiba sa Laguna, Bts, Capiz 6</p><p>Silutan ang 39th IB 7</p><p>Unyonista, ginpatay 8</p><p>Morong 43, nagpasaka sg kaso 9</p><p><i>Diary</i> sa bilangguan 10</p><p>AFP, pinakakorap nga ahensya 11</p><p>US, mapaslawan sa Libya 11</p></div>	
<p>Ang <i>Ang Bayan</i> ginabantala duha ka beses kada bulan sq Komite Sentral sq Partido Komunista sq Pilipinas</p>	

on-estudyante sa pagbwelo sang ila pagbato sa pagtaas sang matrikula kag sa mga tikang sang rehimeng US-Aquino nga buhinan ang badyet sa edukasyon kag iban pang galastuhan sosyal.

Dapat padayon nga palaparon ang edukasyon pulitikal agud pukawon ang mga pamatan-on-estudyante sa mga problema pangkatilingban kag ugat sang mga ini. Dapat aktibo nga kontrahon ang lain-lain nga hibo sang petiburges nga pamensaron nga ginapalapnag sa ila kubay agud sablagan ang ila pangkatilingban nga paghimakas.

Dapat pahulagon ang mga pamatan-on sa isa ka makagagahum nga kahublagan sang "pag-alagad sa pumuluyo" kon sa diin pila ka pulo kalibo ang nagasulod sa mga pabrika kag mga komunidad sa kasyudaran kag mga baryo sa kaumhan agud didto magtuon kag magbulig sa pagpukaw kag pagpahulag sa masang anakbalhas. Dapat muklat sila nga magpasakop sa pagporma sang opinyon publiko gamit ang *internet*, mga *cellphone*, masmidya kag iban pang pamaagi.

Matukod ang malapad nga prente nga anti-Aquino nga nakabase sa kusog sang kahublagan sang mga demokratiko nga sektor. Nagadamo ang nagapartisipar nga mga personahe kag asosasyon sang nahanunga nga saray nga disgustado sa nagapadayon nga paglala sang krisis pangkatilingban kag kapaslawan sang nagahari nga rehimeng US-Aquino nga magplastar sang mga solusyon sa mga problema sang banwa. Indi magdugay pagabayaran ni Aquino ang inutil, korap, kontra-pumuluyo, pasista kag papet niya nga pagginahum. Indi magdugay kag pagalamunon siya sang higante nga balod sang mga pangmasang paghimakas. AB

Koordinadong protesta batuk sa pagtaas sang presyo sang langis

Naglunsar sang karaban ang mga drayber sa Metro Manila batuk sa sunud-sunod nga pagtaas sang presyo sang langis kadungan sang untat-pasada kag mga demonstrasyon sa iban pa nga mga syudad sa pungsod.

Ginpamunuan sang PISTON (Pinagkaisang Samahan ng mga Tsuper at Opereytor Nationwide) ang "Transport Caravan" nga ginatawag Pambansang Araw ng Pagkilos Laban sa Pagtaas ng Presyo ng Langis sang Marso 31 nga gin-updan sang 3,000 kag 700 salakyan sang dyip, FX kag iban pa. Nakig-isa man sa ila ang mga progresibong organisasyon kag tiglawas sa Kongreso. Nag-umpisa sa Quezon City Circle tubtob sa University of Sto. Tomas sa Maynila kag pagkatapos nagmartsa sila tubtob sa Mendiola.

Mabaskog nga ginkastigo ni George San Mateo, *secretary-general* sang PISTON, ang 10 ka beses nga pagsaka sang presyo sang langis halin pa sang Enero. Suno kay San Mateo, nagakita sang halos P370 milyon kada adlaw ang mga daku nga dumuluong nga kartel sang langis bangud *overpriced* sang P7.50 ang presyo sang langis. Halin sang ginpasar nga layi ang Oil Deregulation Law (ODL) sang 1998, nagsaka sang 653% ang presyo sang langis. Ginhingyo nila kay Aquino nga ibasura ang ODL bangud ini ang ugat sang indi mapunggan nga pagtaas sang presyo sang langis. Gindemanda nila nga ibasura ang *expanded value added tax* nga ginapataw sa mga produktong petrolyo.


Ang iban nga mga syudad sa pungsod halos naparalisa sang mga drayber sa ginhimo nila nga

untat-byahe. Sa Angeles City, halos 100% ang untat-byahe kon sa diin masobra 20,000 drayber ang nakig-isa. Nagpasakop ang 14 organisasyon sang mga dyip kag 208 grupo sang mga drayber sang traysikel. Sa Davao City, nag-untat pasada ang 94% sang masobra 10,000 nga mga drayber sa syudad.

Suno naman sa Transport Mindanao for Solidarity, Independence and Nationalism (TRANSMISSION), madinalag-on nga naparalisa nila ang byahe sa pila ka syudad sa Mindanao. Nag-abot sa 100% ang nag-untat-byahe sa mga syudad sang Iligan kag Valencia, 98% sa Cagayan de Oro, 80% sa Malaybalay; 95% sa Butuan City; kag 90% sa Gingoog City. Nakig-isa ang mga drayber sang dyip, taksi, traysikel, bus kag *habal-habal* (nagapasada nga motorsiklo).

Sa Bacolod City, nagrali ang mga drayber sa idalom sang United Negros Drivers Operators Center (UNDOC) bilang pagpakig-isa sa karaban. Ginhingyo nila sa Department of Energy nga kuhaon ang P5 sa presyo kada

litro sang petrolyo, nga mas mataas kumparar sa Metro Manila. Sa Roxas City, isa ka *noise barrage* man ang ginhimo sang Hugpong Transport mga alas-3 sang hapon. Nagprotesta man ang mga drayber sa Sorsogon kag Legaspi City bilang pagpreparar sa daku nga paghulag sa maabot nga Abril 13. AB



Mga mamumugon sa PAL, desidido nga dayunon ang welga

Liwat nga nagpabutyag ang mga mamumugon sang Philippine Airlines sang ila panindugan nga dayunon ang ila nga welga.

Ini ang deklarasyon sang obreros pagkatapos nadulaan sang gahum ang pagdumili sa ila nga maglunsar sang welga samtang ginabista sang Department of Labor and Employment (DOLE) ang gamo sa tunga nila kag sang maneydsment. Mabaskog nila nga ginapa-

matukan ang *outsourcing* sang 3,000 obreros sang Air Philippines, nga iya man ni Lucio Tan. Antes ini, mayorya sang obreros sang PAL ang nagboto pabor sa paglunsar sang welga.

Nagaisa ang Kilusang Mayo Uno (KMU) sa paghimakas sang obreros sa PAL kag nagasuporta ini sa welga. Ginpakamalaut

man sang KMU ang rehimeng Aquino sa paghimbunanay sini kay Lucio Tan.

Ang pagpasilabot ni Aquino sa isyu sang PAL maathag nga pagpasilabot niya nga para pungan ang nakatalana nga welga kag ipatuman ang kontra-

mamumugon nga polisiya, pareho sa iskema nga kontrak-

twalisasyon, siling sang KMU.

Nagkabalaka man ang KMU sa pagpamuno ni Gerry Rivera kag Partido ng Manggagawa sa Philippine Airlines Employees Association (PALEA). Suno sa KMU, ginabutang sa peligro ni Rivera ang interes sang obreros. Indi gawi sang isa ka lider obrero, siling sang KMU, ang ginahimo ni Rivera nga pag-anunsyo kon san-o ang welga. Madamo man siya sang kasaypanan sa pag-uyat sa gamo sa PAL pareho sang pag-uyat niya sang gamo sa PAL pareho sang pagpangayo sang bulig kay Aquino kag pagdayaw sa desisyon sini nga magpasilabot.

Siling sang KMU, mahimo nga makapagamo ini sa paghimakas sang obreros. May rekord kuno si Rivera nga nakighimbunanay sa anay rehimeng Estrada sang 1998 sang may 10 tuig nga *moratorium* sa *collective bargaining agreement* (CBA). Ini naghatag-dalan kay Tan nga magkita sang minilyon samtang ginlansang sa manubo nga lebel ang sweldo kag benepisyo sang obreros sang PAL, siling sang KMU. **AB**



Pagpatalsik kay Gutierrez, gin-aprubahan sang Kongreso

Gin-aprubahan sang Kongreso sang Marso 22 sa boto nga 212-46 ang kaso nga "impeachment" kontra kay Merceditas Gutierrez bilang Ombudsman. Ginpadala man sa Senado ang report sang Committee on Justice sang Kongreso. Ang Senado ang magaserbi nga korte nga magabista sa kaso. Kinahanglan sang indi magnubo sa 2/3 o 16 nga boto sang tanan nga mga senador para masilutan si Gutierrez kag makuha sa pwesto.

Pila sa mga kaso batuk kay Gutierrez ang ginpasaka sang Bagong Alyansang Makabayan sang Agosto 2010. Sa pagpanguna ni Renato Reyes, ginhilera sang BAYAN ang mga masunod nga kaso batuk kay Gutierrez: indi pag-aksyon sa anomalya bahin sa pondo nga pang-abono (Fertilizer Fund) nga nagabalor sang P1 bilyon; indi pag-aksyon sang iskandalo

sang Euro Generals nga nagtuyo nga magpalusot sang P6.9 milyon; kag indi pag-aksyon sa maanomalya nga kontrata nga ginaumiran sang Mega Pacific nga nagabalor sang P1.3 bilyon. Wala ginsunod ni Gutierrez ang desisyon sang Korte Suprema nga ibasura ang kasugtan sa tunga sang Mega Pacific Corp. kag Commission on Elections Chairman Benjamin Abalos.

Sa pinal nga report sang komite nga ginsumiter sa Senado, lakip sa iban pang kaso ni Gutierrez ang wala niya nga pagpasaka sang kaso batuk kay Gloria Macapagal-Arroyo kag bana sini nga si Jose Miguel Arroyo bahin sa maanomalya nga kasugtan sang Philippine National Broadband o NBN-ZTE. Gin-atrasar man niya ang imbestigasyon bahin sa pagpatay kay Ensign Philip Pestano, nga ginpatay para mapungan ang iya pagbuyagyag sang mga anomalya sa Philippine Navy. Tuman kanubo man ang tantos sang pagdesisyon (*low conviction rate*) sang Ombudsman.

Pagabistahon sa Senado ang kaso batuk kay Gutierrez sa liwat nga pagbukas sini sa maabot nga Mayo. **AB**



BHB-Mindanao, nagabandera sa armadong paghimakas

Base sa indi pa kumpleto nga mga report nga nabaton sang *Ang Bayan (AB)*, nagapanguna sa pagpasulong sang armadong rebolusyonaryong paghimakas sa pungsod ang isla sang Mindanao.

Nagbunga ang ila mga pagtinguha bangud sa hugot nila nga pagsunod sa panawagan nga "Magsalig sa masa, maglunsar sang antipyudal nga paghimakas, makahas nga maglunsar sang mga taktikal nga opensiba kag ipatuman ang aton mga mapang-away nga katungdanan!"

Halin sa 39 nga prenteng gerilya sang 2009, nangin 44 na subong ini, kon sa diin halos katunga kusog-kumpanya. Natukod man ang dugang nga mga platon kag kumpanya. Sa hugot nga pag-ubay sang Partido Komunista sang Pilipinas, ang mga yunit sang BHB nagaangkon sang malapad nga suportang masa kag padayon nga nagaani sang mga kadalag-an.

Sang 2010 lang, nakalunsar ang BHB sang 200 taktikal nga opensiba, nakaagaw sang 200 mabaskog nga armas kag nakapatay sang katumbas sang masobra isa ka batalyon nga kaaway (mas o menos 300). Sa una nga kwarto sang 2011, nakalunsar ini sang masobra 50 taktikal nga opensiba, nakaagaw sang 40 armas (22 sini mabaskog nga riple), nakapatay sang katumbas sang isa ka kumpanya sang mga suldado kag nakapilas sang 50 nga tropa sang kaaway.

Suno kay Jorge "Ka Oris" Madlos, tagapamaba sang NDF-Mindanao, ang BHB nakaamot sang 10% dugang sa numero sang mga baryo nga ginahulagan sa bilog nga Mindanao. Nagdaku man sang 12% ang organisadong masa sa idalom sang lain-lain nga rebolusyonaryo nga organisasyong masa. Nakatukod sang mga organo

sang gahum pangpulitika kag natukod, napalapad kag nakon-solida ang nanari-sari nga tipo sang alyansa.

Bilang tunay nga hangaway sang banwa, nakaamot ini sang daku sa paghimakas para sa tunay nga reporma sa duta. Pila ka gatos ka libo nga pumuluyo ang nabeneplisyuhan halin sa pagpanubo sang renta kag mga kagamitan agrikutural; pagpanubo sang tantos sang usura; pagpataas sang sweldo sang mga mamumugon sa uma; kag paglunsar sang mga kampanya para sa ikaayong lawas, kultura, literasiya kag iban pang serbisyo. Naamligan man sini ang kapalibutan batuk sa wala untat nga pagpangtroso, pagmina kag makahalalit nga operasyon sang mga plantasyong agribisnes.

"Bilang mga hangaway para sa matarung kag malawigan nga kalinungan, ginpakita sini ang mataas sini nga lebel sang disiplina kag kamuklatan pangpulitika sa hugot nga pagsunod sa 25-adlaw nga untat-lupok halin Disyembre 16, 2010 tubtub Enero 3, 2011 kag halin Pebrero 15 tubtub Pebrero 21, 2011."

Hayagan nga ginlapas i n i s a n g m g a pwersa

pangse-guridad sang rehimen U S - Aquino.


Pero sa pihak sang 42 insidente sang probokatibong paglapas sang mga mersenaryong pwersa sa untat-lupok sa Mindanao, nagpaumod ang mga hangaway sang BHB sa pag-uyat sang armas bilang pagsunod sa untat-lupok, pagtukod sang pinakapaborableng kondisyon para sa sugilanon pangkalinungan sang GPH kag NDFP, dugang pa ni Ka Oris.

Samtang, suno sa upisyal nga report sang Kalihiman sang Komiteng Rehiyon sang Southern Tagalog (KH-KR-ST), sang Mt. Amandewin Command sang BHB sa idalom sang Leyte Party Committee sa Eastern Visayas kag sang Panay Party Committee, indi lang nila napaslaw ang mabangis nga Oplan Bantay Laya 1 kag 2 kundi ginahandaan na nila ang pagpasulong kag paglukso sang malawigan nga inaway banwa padulong sa bag-o kag mas mataas nga lebel sang paghimakas sa sulod sang 5 ka tuig.

Sa Southern Tagalog, nakalunsar ang mga pwersa sang BHB sang 43 taktikal nga opensiba kon sa diin indi magnubo sa 69 ang napatay sa kaaway, 34 ang napilasan, kag 55 armas man ang naagaw.

Sa Leyte, 40 elemento sang kaaway ang napatay kag dose (12) ang napilasan sa mga taktikal nga opensiba nga ginlunsar halin Marso 2010 tubtob Marso 2011.

AB





Mga aksyon militar sa Laguna, Batangas kag Capiz

Duha ka magkasunod nga taktikal nga opensiba ang madinalag-on nga ginlunsar sining Marso sang mga pwersa sang Nilo Hatol Command sang Bag-ong Hangaway sang Banwa (NHC-BHB) sa Laguna agud sabton ang madugay na nga demanda sang pumuluyo nga silutan ang mga manug-agaw sang duta kag lapnagon nga nagalapak sa kinamatarung sang obereros, mangunguma kag pumuluyo. Amot man ini sa pagsug-alaw sa pagselebrar sang ika-42 nga anibersaryo sang pagkatukod sang BHB.

Ginreyd sang NHC-BHB sang Marso 24 ang manukan sang mag-utod nga Manuel kag Rodrigo Co sa Sityo Saksak, Baryo Juan Santiago, Sta. Maria, Laguna. Nakumpiska sini ang 18 *shotgun* kag 5 ka radyong VHF halin sa mga *security guard* sang nasambit nga manukan. Antes ini, ginreyd man sang BHB sang Marso 12 ang *compound* sang Dole Philippines-Banana Plantation, Inc. sa Magdalena, Laguna. Nakumpiska diri ang isa ka *shotgun* kag isa ka pistola.

Ginsalakay ang nasambit nga mga kumpanya bangud sa ila lapnagon nga paglapas sa mga polisiya sang Demokratikong Gubyerno sang Banwa (DGB) kaangut sang pag-amlig sa kapalibutan, proteksyon sa mga kinamatarung sang mga empleyado kag iban pang mga pagsulundan kag polisiya sang DGB.

Ginpangin-wala man sang mga taktikal nga opensiba nga ini ang pagpahambog sang AFP nga dalayon na nila nga napaluya ang rebolusyonaryong hublag sa Laguna.

Sa Batangas, maisog nga ginbatuan sang isa ka iskwad kadaku nga yunit sa hilikuton masa sa idalom sang Edgardo Dagli Command sang Marso 23 ang tuyo nga pagwasak sa ila sang regular nga platon sang 730th

Combat Group sang Philippine Air Force nga nakadestino sa Sityo Palico, Baryo Biliran, Nasugbu.

Suno kay Apolinario Matienza, tagapamaba sang Edgardo Dagli Command sa Batangas, mga alas-4 sang aga sang matabo ang engkwentro. Sa baylo nga madugmok ang iskwad sang BHB, nakatuga pa ini sang kahalitan sa PAF. Isa ang napatay kag siyam ang napilasan sa kubay sang kaaway.

Luwas sa mga pwersa nga direkta nga nagsalakay sa BHB, nag-abot sa batalyon-kadaku ang tropa nga pang-istrayk nga nagalikop sa bukid sang Batulao kag mga kaiping nga baryo sa kunsaran sini. Pero bangud sa madalom nga nakaugat ang BHB sa masa kag madamo nga kadalag-an sa rebolusyong agraryo kag armadong paghimakas, ginhakos kag ginamligan sang masa ang ila mahal nga hangaway. Hilway nga

nakaatras halin sa reyd sang kaaway ang mga kaupod

nga wala sa n g naagum nga kahalitan.

Sa Capiz, ginpatuman sang isa ka yunit sang BHB sa idalom

sang Jose Percival Estoca-

da Jr. Command ang pag-aresto kay Cpl. Joebert Glindro, alyas Mino, sa Baryo Artuz, Tapaz, Capiz. Napatay siya sang magbato kag nagtuyo nga magpalagyo, suno sa kay Ka Jurie Guerrero, tagapamaba sang Jose Percival Estocada Jr. Command.

Si Mino aktibo, masupog kag berdugo nga operatiba sang Military Intelligence Battalion sang 3rd ID nga may malaba nga listahan sang mga kaso sang pagpamatay kag paglapas sa tawhanong kinamatarung batuk sa pumuluyo kag rebolusyonaryong hublag.

Pila sang pinakadaku nga krimen ni Mino ang pagdukot kay Renante Lerona, isa ka detenido pulitikal nga nauna na nga ginbasura ang kaso sang Regional Trial Court sa Mambusao sang 1997; pagdukot kay Balis Castor, isa ka pamatan-on nga sibilyan sang Katipunan, Tapaz, Capiz, sang Agosto 8, 2007; nagpareyd sa isa ka yunit sang BHB sa Bag-ong Baryo, Tapaz, Capiz sang Hulyo 4, 2001 nga nagresulta sa pagkapatay ni Ka Merlan; pagreyd kag pagpatay kay Enrico Lerona (Ka Radin) sa Mambusao sang 1990; aktibong pagpaniktik, pagpanabotahe sa mga aktibidad sang mga rebolusyonaryong organisasyon, mga ligal nga progresibong organisasyon, mga lider sini kag mga ordinaryong sibilyan nga ginadudahan suporta sang BHB.

Si Mino ang nagtukod kag nagdiriher sang lambat paniktik sa mga baryo nga sakop sang sentral nga prente sang Panay, labi na sa mga banwa sang Tapaz, Jamindan kag Mambusao.

Nakuha sa iya ang isa ka .45 kal. pistola, isa .38 kal. rebolber, 3 granada, mga magasin kag bala. Nakuha man ang isa ka *cellphone*, listahan sang mga *asset*, ila mga numero sa *cellphone* kag ID sa Philippine Army. **AB**



Silutan ang 39th IB!

Lubos kaisog nga ginpakita sang mga kapamilya, kaabyanan kag tagasuporta sang duha ka biktima sang ekstrahudisyal nga pagpamatay sa Davao del Sur nga indi sila magpalutos sa terorismo militar.

Masobra 500 katawo ang nag-upod sa martsa sang gin-dul-ong sa lulubngan sang Mar-so 9 ang mga bangkay nanday Rody Dejos, 50 anyos, kag iya anak nga si Rody Rick, 26 anyos.

Ang tigulang nga Dejos ang pangaduha nga pangulo sang Zone One Farmers Association (ZOFA), nga kaalyado sang Kilu-sang Magbubukid ng Pilipinas. Lider man siya sang tribong B'laan. Myembro naman sang ZOFA si Rody Rick.

Mga alas-4 sang hapon sang Pebrero 27, nakit-an ni Mercy Dejos, asawa ni Rody, ang duha ka biktima nga patay kag naga-paligo sa ila dugo sa ila balay sa Sityo Malusing, Barangay Zone 1, Sta. Cruz, Davao del Sur. Bag-o gid lang maghalin sadto ni Mercy sa banwa nga nagtinda sang ila pananom. Ginbunalan sang martilyo ang mga tudlo kag kamot sang mga biktima kag puno sang lagob ang ila mga lawas. Nag-agum sila sang mga buno kag mga igo sang bala.

Wala sang iban nga ginadu-dahan ang mga kapamilya kag kaabyanan sang mga Dejos. Kahimuan ini sang berdugo nga 39th IB.

Sang Hulyo 2010, nagsugod nga magkampo ang 39th IB sa *barangay hall* sang Zone 1 kag nagpatawag sang mga pulong-pulong. Diri ginsugo nila ang mga tagabaryo, nga ginaakusa-han mga tagasuporta sang Bag-ong Hangaway sang Banwa (BHB), nga magkadto sa detats-ment para "limpyuhan" ang ila mga ngalan. Una sa tanan nga listahan nga dapat kuno mag-"limpyo" amo si Rody Rick. Wala siya magreport sa detatsment bangud indi man kuno siya pag-

pamatian sang militar.

Halin sadto sunud-sunod nga harasment ang naagyan sang mag-amay. Sang Hunyo 2010, gin-interogar ni Rody Rick sang nagahingalan "Boyong" nga myembro sang Barangay De-fense System (BDS) kag ginpa-mangkot sa bayaw niya nga myembro kuno sang BHB. Ginli-tratuhan siya nga wala sang pa-hanugot kag gintayaan sang pusil sa ulo. Sang Disyembre 2010, isa ka kilala nga ahente militar kag myembro man sang BDS ang nagpaandam kay Rody Dejos bangud sa iya pagtungod sa ZOFA kag ginhambalan siya nga bungkagon ini.

Sa kada may inaway sa tunga sang AFP kag BHB sa lugar per-mi ginaakusahan ang mag-amay nga may kahilabtanang sila diri.

Sa pihak sang pagpamahog nagpursiger ang mag-amay nga Dejos sa ila paghulag sa ZOFA. Pareho sa iban nga progresibong organisasyon sang mangunguma sa iban nga prubinsya, gina-pakigbato sang ZOFA ang kina-matarung sang mga mangungu-ma sa duta. Otsenta porsyento sang mangunguma sa Southern Mindanao ang wala sang duta, suno mismo sa estadistika sang reaksyunaryong gubyrerno.

Mabaskog ang presensya diri sang mga daku nga korporas-yong agribisnes pareho sang San Miguel Corporation, Coco Davao Inc., Franklin Baker Co., kag GSL Food Industries nga na-gapanglaksam sang duta halin sa mga mangunguma. Ang in-teres nila ang ginaproteksyunan sang Oplan Bayanihan, sa kaha-litan sang mga mangunguma.

Dugo ang ginabuhis sang mga mangunguma sa ila pagba-

to para sa duta. Suno sa KARA-PATAN, 6 sa 9 biktima sang paglapas sa tawhanong kina-matarung subong nga tuig mga mangunguma. Tatlo sa 6 biktima nga mangunguma ang ginpatay.

Sa kaso sang mga Dejos, in-di pa nakontento sa pagpatay sa ila ang 39th IB. Ginbalabagan sang mga suldado ang mga nakiglubong. Antes ini, madamol ang guya sang militar nga magkadto sa pagpasidungog sa mag-amay, nga daw matuod gid nga nagaunong kag wala sang labot sa ila makasiligni ka-matayon. Nagpadala pa sang mga bulak ang 39th IB sa pa-milya. Gilayon naman nga gin-lamos sa duta kag ginsunog ini ni Marilyn Dejos, anak ni Rody. Hayagan nga ginaduso sang mga nakiglubong nga silutan ang 39th IB.

Natapos man ang pag-pakuno-kuno sang militar sang magpamahog si Lt. Col. Oliver Artuz, hepe sang 39th IB, nga pagapasakaan sang kaso nga ili-gal nga pagtipon ang mga lider sang mga progresibong orga-nisasyon bangud sa martsa nga ginhimo nila sang ilubong ang mga Dejos. "Desperado na ang 39th IB nga ilihis ang atensyon sang pumuluyo sa ila responsi-bilidad sa pagkamatay sang mag-amay nga Dejos. Sila ang ginatudlo nga kriminal sang pumuluyo sang Sta. Cruz."

Madasig man nga nahublasan ang pagpakuno-kuno sang rehimeng Aquino kag sang Oplan Bayanihan nga gi-nasakdag nila ang tawhanong kinamatarung. Sa pagkapatay sang mag-amay nga Dejos, 40 na ang biktima sang ekstrahu-disyal nga pagpatay sa sulod sang 8 bulan nga pag-alagad ni Aquino. Dose sini ang ginpatay sang mga ahente pangseguridad sang estado halin Enero-Pe-brero, sa idalom sang bag-o nga oplan sang rehimen. **AB**

Unyonista, mamahayag ginpatay

Isa ka lider sang unyon sa Cavite kag isa ka brodkaster sa Metro Manila ang ginpatay sining Marso. Sa kaumhan, wala sang untat ang pagpang-abuso kag mga kaso sang kahalitan militar sa idalom sang Oplan Bayanihan.

Marso 26. Ginpalukpan sang isa ka gwardya sang National Housing Authority (NHA) ang mga residente sang Sityo San Roque, Barangay North Triangle sa Quezon City.

Ini pagkatapos palayason sang mga residente ang mga gwardya bangud sa pagkampo sang mga ini sa ila nga komunidad. Sang ginreklamo nila sa pulisya ang pagpaniro, ang mga residente pa ang ginkasuhan sang mga pulis sang *illegal entry* kag walo sa ila ang ginkulong.

Mabaskog ang pagbato sang mga residente pagkatapos sang mapintas nga demolisyon sa ila nga komunidad sang Septyembre 2010. Madugay na nga gusto palayason sang gubyerno sang Quezon City Central Business District.

Marso 24. Ginpatay si Marlina "Len" Flores-Sumera, 45 anyos, isa ka brodkaster sang "Arangkada 1530" sa dzME. Nagasakay ang biktima sa dyip malapit sa iya balay sa Solonian Street, Maysilo, Malabon City kag pakadto tani sa trabaho sang tiruhon siya sa tangkugo sang isa ka di nakilala nga biktima. Ginkuha sang nagpatay ang bag kag *cellphone* para nga magwa nga pagpangawat lang ang motibo. Sa aktwal, si Sumera isa sa pinamabaskog nga kritiko sang *road-widening project* sang gubyerno sang Malabon City. Siya man ang presidente sang asosasyon sa isa sa mga komunidad nga apektado sang proyekto.

Ginkundenar sang BAYAN-National Capital Region kag Gabriela Women's Party ang ginpatay kay Sumera. Siya ang una nga babaye nga mamahayag nga ginpatay sa idalom sang subong nga rehimen. Apat na nga mamahayag ang napatay sa subong nga rehimen.

Marso 16. Napilitan nga temporaryo nga maghalin ang istap sang Center for Lumad Advocacy and Services (CLANS) halin sa ila mga proyekto sa Upper Suyan, Malapatan, Sarangani makaligad ang sistematikong harasment sa ila sang mga elemento sang 73rd IB. Ang mga pagpamigos nagsingki halin sang Nobyembre, sang ginpaidalom sa interrogasyon, harasment, pagpakalain kag pagpang-insulto indi lang ang istap sang CLANS kundi mga bata nga manug-eskwela, ila mga ginikanan kag mga lider sa komunidad. Isa ka 10-tuig ang edad nga estudyante sang eskwelahan sang CLANS ang ginpilit sang mga suldado sang 73rd IB nga mag-uyat sang isa ka *belt* sang mga bala sang masinggan kag magbitbit sang isa ka riple nga M16.

Ginkuhaan siya sang litrato pagkatapos sini kag ginpadala ini sa lokal nga pahayagan nga may *caption* nga "Bata nga hangaway sang BHB nga nagasulod sa eskwelahan sa (Sityo) Dalumay, (Upper Suyan.)" Isa man ka pamilya B'laan ang gin-

manduan nga kutkuton ang bangkay sang kapamilya nila nga pastor nga napatay bangud sa madugay na nga sakit.

Gin-akusar nga gerilya sang Bag-ong Hangaway sang Banwa ang pastor nga napatay kuno sa inaway. Sang Pebrero 18, tatlo ka oras nga gin-interogar sang isa ka Sgt. Jake Geron kag isa ka Pfc. Cabawbaw si Maricel Salem, *program director* sang CLANS. Ginpamangkot siya bahin sa ila nga istap, mga programa sang organisasyon kag ginahalinan sang pondo sini. Pilit man siya nga ginapaako nga kontra kuno sa gubyerno ang CLANS bangud sa pagsuporta sini sa paghimakas para sa duta sang mga katigulangan, proteksyon sang kapalibutan kag iban pa. Ginpahog siya nga patyon bangud ang eskwelahan nga gintukod sang CLANS kontra kuno sa gubyerno.

Bangud sa masingki nga harasment, nauntat ang proyekto sang eskwelahan kag pati ang *micro hydro project* sang CLANS. Ang 73rd IB ang nagagwardya sa mga minahan sang San Miguel Corporation, nga amo man ang ginabutangan sang mga proyekto sang CLANS.

Marso 10. Isa ka bata nga babaye ang napilasan sa abaga sang wala untat nga pagtiro sang mga elemento sang 19th IB ang balay sang sibilyan nga si Balodoy Amaro sa Sityo Balinsasayaw, Barangay Sta. Fe, Mandao, Masbate. Ang biktima bata ni Amaro. Napatay man ang ginasadog nga baboy sang pamilya.

Ginapagwa sang 19th IB nga ang biktima naigo sa bayluhanay sang lupok sang militar kag BHB. Sa kamatuoran, naigo siya sa unang bugso sang mga lupok halin sa mga suldado.

Marso 8. Ginpatay si Celito Baccay, 31 anyos, *board member* sang Maenco-Giken Workers Organization (MAGIKWO) mga alas-10 sang gab-i sa Governor's Dri-





ve, Langkaan Village, Dasmaringas, Cavite. Siya gintiro sam-tang nagapauli sakay sang iya motorsiklo. Napatay siya mga alas-10:45 sang gab-i samtang ginabulong sa De La Salle University Medical Center sa pareho nga banwa.



Maeno-Giken sang Agosto 2010.

Ang Maeno-Giken Inc., isa ka kumpanya sang Hapon nga may pabrika sa First Cavite Industrial Estate sa banwa sang Dasmaringas. Nagahimo ini sang mga istruktura nga salsalon kag mga pyesa sang *heavy equipment* pareho sang mga *container crane*, *fuel* kag *chemical tanks*. Katunga sang mga produkto sini ginagamit sang lain-lain nga kumpanya nga Hapon sa Pilipinas kag katunga ginaeksport sa Japan. Ang kumpanya ginapanag-iyahan ni Shinichiro Maeno.

Pebrero 10. Ginpaidalom sa interrogasyon, ginkawatan kag

ginpahog sang mga elemento sang 14th IB ang duha ka 17 anyos nga pamatan-on nga taga-Barangay Huknan, Giporlos, Eastern Samar.

Pakadto ang mga biktima sa ila nga uma para magkuha sang kopra sang masumalang nila ang mga nagaoperasyon nga suldado sang Bravo Coy sang 14th IB. Ginpamangkot sila para kuhaan kuno sang impormasyon bahin sa nahamtangan sang BHB. Antes sila gimbayaan, ginkawat sang mga suldado ang dala-dala nga mga binangon sang duha ka biktima kag ginkuhaan sila sang litrato. Ginpaandaman sila nga indi magsugid, labi na sa mga upisyal sang Barangay Huknan, kag kon indi dukuton sila. Sa kahadlok dali-dali nga nagpauli ang mga menor-de-edad. **AB**

Morong 43, nagpasaka sang kaso kontra kanday Arroyo

Nagpasaka sang kaso ang anum sa mga myembro sang Morong 43 sa Quezon City Trial Court batuk sa anay rehimen ni Gloria Macapagal-Arroyo kag pila ka upisyal sang militar kag pulisya.

Ginpasaka sang Abril 4 nan-day Dr. Merry Mia Clamor kag Dr. Alexis Montes, nars nga si Gary Liberal kag sanday Teresa Quinawayan, Reynaldo Macabenta kag Mercy Castro ang kaso nga sibil batuk kanday Arroyo kag napulo ka iban pa. Ini kaangut sang iligal nga pag-aresto, pag-tortur kag pagdetine sa ila sang halos napulo ka bulan. Nagapangayo sila sang P15 milyon nga bayad-kahalitan kanday Arroyo bangud sa mga nadula kag nagkalasamad nga kagamitan, amo man sa paglapak sa ila nga mga kinamatarung. Upod sa mga ginkasuhan amo sanday anay National Security Adviser Norberto Gonzales, anay AFP Chief Gen. Victor Ibrado kag anay Philippine Army Chief Delfin Bangit, anay kumander

sang 2nd Infantry Division nga si Major Gen. Jorge Segovia, Col. Aurelio Balalad, Lt. Col. Cristobal Zaragosa kag Jaime Abawag, Maj. Manuel Tabion kag Supt. Marion Balolong kag Allan Nubleza.

Upod nila nga nagkadto sa korte mga grupo nga Free the 43 Alliance, National Union of People's Lawyers (NUPL), Samahan ng mga Ex-Detainees Laban sa Detensyon at para sa Amnestiya (SELDA) kag KARAPATAN.

Umpisa lang ini sa mga kaso nga igapasaka kay Arroyo halin sang nagbiya siya sa pwesto bilang pangulo, suno kay Atty. Edre Olalia, isa sa mga abugado sang Morong 43. Isa si Arroyo sa may pinakamalala nga rekord sang paglapas sa tawhanong kinamatarung pareho sang pag-



patay, pagdukot kag pagdetine kahimbon ang iya mga upisyal sa AFP kag PNP.

Gin-aresto ang 43 mamumugon sa ikaayong lawas sang Pebrero 6, 2010 sa Morong, Rizal. Ginbutang-butangan sila nga mga myembro sang Bag-ong Hangaway sang Banwa (BHB).

Nagahimo sila sadto sang pagahanas sa ikaayong lawas sang sila iligal nga arestuhon kag dalhon sa kampo sang 2nd ID sa Tanay, Rizal. Sang ulihi ginsaylo sila sa Camp Bagong Diwa sa Taguig City. **AB**

Diary sa bilangguan, Marso 10, 2011

Ang masunod halin sa diary ni Kaupod Alan Jazmines, konsultant sang peace negotiating panel sang National Democratic Front of the Philippines. Iligal siya nga ginaresto sang Pebrero 14 sa Bulacan sa gahum sang 13 himuhimo nga kaso kriminal. Isa siya sa mga detenido nga nabilanggo subong sa PNP Custodial Center sa Camp Crame.

Madalom na ang gab-i, isa ka abusado kag garuk nga upisyal sang pulis ang nag-insister sa panan-awan sang pulisya bahin sa tawhanong kinamatarung kag kon paano dapat “ibutang sa ila lugar” ang mga detenido diri sa Philippine National Police (PNP) Custodial Center sa Camp Crame.

Gulpe lang nga ginpukpok sang Camp Duty Officer (CDO) kagab-i mga alas-11 ang lain-lain nga selda, pilit nga ginsulod ang mga ini kag ginpukaw ang mga detenido. Nagapamuyayaw siya kag nagabinastos. Ginmanduan niya ang mga detenido nga magpila para isipon. Tuman kahubog sa alak kag gahum.

Wala siya sang ginapasin-o, bisan ang mga babaye nga detenido. Ginlaygayan siya sang mas matino nga gwardya nga mas manubo ang rangko nga dapat tahuron ang *privacy* sang mga babaye nga detenido labi na nga nagakatulog na sila kag manipis lang ang mga ginasuksok nila nga pangtulog.

Sa pihak sini ginsulod pa gihapon niya ang mga selda sang mga babaye nga detenido kag ginmanduan sila nga magbangon kag ipresentar ang kagalingon sa iya.

Ginkuha niya ang iya *nameplate* para indi siya makilala. Pero madamo nga detenido ang nakakilala nga siya si Police Chief Inspector (PIC) Eco.

Nagsagsag ang iya nga pagabusar sang makalab-ot siya sa Cell Block Alpha mga alas-11:30 sang gab-i.

Ang mga detenido ginatugutan nga magkandado sang ila nga mga selda halin sa sulod pagkatapos ini kandaduhan sang mga gwardya halin sa gwa. Ini para indi pag-abusuhan ang

mga detenido kag kawaton ang ila nga mga gamit kon tulog na sila. Sang indi siya gilayon makasulod sa Selda Numero 8 sang detenido nga si Rizal Ali b a n g u d


nakakandado ini halin sa sulod, ginmandu sang abusado nga upisyal sang pulis nga buksan ini. Nagapamuyayaw siya sang kumpiskahon niya ang kandado kag magsulod sa selda ni Ali.

Sa Selda Numero 7 ni Mauwiya Musabpi, nakakita ang upisyal sang *toothpaste*. Ginkumpiska niya ini bangud pwede kuno ini nga gamiton sa paghimo sang bomba. Ginprotestahan ini ni Mauwiya kag ginsiling ang *toothpaste* upod sa pakete nga ginhatag sa iya kag iban pang detenido sang isa ka organisasyon nga nagasakdag sa tawhanong kinamatarung. Siling niya, “Paglapas ini sa tawhanong kinamatarung”. Nagsinggit ang aroganteng u-pisyal sang “Ano nga tawhanong kinamatarung? Wala sang tawhanong kinamatarung sa amon!” Sa Selda Numero 6, ginkumpiska sang abusado nga upisyal ang gamay nga *nail cutter* sang detenido nga si Gilbert Soliman.

Gamit ang kamera sang iya nga *cellphone*, ginlitratuhan sang wala huya nga upisyal sang pulis ang pila ka detenido, lakip si Ed Sarmiento, para pahugon sila. Pagkabukas sang ila nga mga selda sini nga aga, nagsulat gilayon ang mga detenido sa Cell Block Alpha sa hepe sang PNP Custodial Center para ireklamo ang mga pagpang-abuso kagab-i ni PCI Eco.

Ang mga pagpang-abuso kagab-i sa amon *detention center* gamay lang nga bahin sang mas madamo kag malaut pang mga pang-abuso kag pagpamahog nga ginahimo batuk sa mga detenido nga uyat sang pulisya kag militar sa aton nga pungsod, labi na sa mga detenido pulitikal. Ginapakita sini kon ano kagaruk, kaabusado ang pagdumala sa mga bilangguan, establisyimento militar, pulisya kag kon paano kalala ang paglapas sa tawhanong kinamatarung diri.

AB



Mapaslawan ang US nga paludhon ang Libya

Padayon nga napaslawan ang imperyalismong US kag kahimbon sining gamhanan nga pungsod sa tuyo nila nga pukanon ang rehimen ni Moammar Gaddafi, tukuron ang papet nga gubyrno kag lubos nga sakupon ang Libya kag ang resorsa nga langis sini.

Sang Abril 2, malinong nga gin-atras sang US ang halos tanan nga mga eroplano kag barko-de-gera nga ginbutang sini batuk sa Libya. Bunga sini, nabuhinan sang 80% ang arsenal sang koalisyon para sa operasyon sini. Signipikante nga nabuhinan ang ikasarang sini nga suportahan ang mga armadong rebelde nga anti-Gaddafi kag depensahan ang mga syudad nga uyat nila. Gin-

hatagan sini sang ligwa ang gubyrnong Gaddafi nga kaayuhon ang nawasak nga mga sentro sang depensa kag ilunsar ang todo-todo nga inaway batuk sa mga grupo nga nagabato diri.

Sa kabilugan nagapabilin nga bilog ang pwersa sang gubyrnong Gaddafi. Pagkatapos ang pila ka adlaw nga pagpamomba sang imperyalistang koalisyon, nagapabilin nga bilog ang tubtob 80% sang

istruktura kag kumand sang bilog nga armadong kusog sang Libya, bisan ang arsenal sini nga mga tangke kag *missile*. Liw-as sa ginalauman sang US, wala natabo ang malaparan nga pagbungkag sang mga suldado kag upisyal sang hangaway sang gubyrnong Gaddafi.

Bisan nagapabilin pa nga mabaskog sa Benghazi, sa kadam-an nagakalutos ang mga armadong pwersa sa katuyuan nila nga ibagsak ang gubyrnong Gaddafi. Ini sa pihak sang pagkober sa ila sang US kag iban pang mga imperyalista para liwat makatipon kag magpabaskog sa mga ginahukmungan nila nga syudad. Sining ulihi, nagtanyag ang mga ini

AFP: Pinakakorap nga ahensya

Sa tunga sang sunod-sunod nga pagkabuyagyag sang mga maanomalya nga kaso sang pagkadalagang sang Armed Forces of the Philippines (AFP), ginkilala na ini bilang isa sa pinakakorap nga ahensya sang gubyrno. Ginasalaming ini sa ginhimo nga sarbey sang Pulse Asia (ginhimo sa tunga sang Pebrero 24 kag Marso 6) kon sa diin halos katunga sang ila ginpamangkot ang nagapati nga pinakakorap ang AFP nga mga ahensya sang gubyrno. Nagapangaduha man sa AFP sa ginakabig nga pinakakorap ang Philippine National Police (PNP), nga naglista sang 26.6%.

Nalabawan sang AFP kag PNP ang madugay na nga mga kilala nga pugad sang mga korapsyon—ang Department of Public Works and Highways, nga nagpangatlo. Masunod nga ginatumod nga pinakakorap ang Bureau of Internal Revenue (BIR), Land Transportation Commission, Commission on Audit kag ang Bureau of Customs (BoC).

Sa isa pa ka sarbey nga ginhimo sang Nobyembre 2010-Pebrero 2011 sang Politikal and Economic Risk Consultancy (PERC) nga nakabase sa Hongkong, ang AFP ang may pinakaitom nga imahen sa mata sang mga dumuluong nga negosyante. Sa grado nga 0 tubtob 10, nakakuha ini sang

sang 9.25 nga nagbutang sa pinakamataas nga pinakakorap nga institusyon sa Pilipinas. Gindsundan ini sang BIR kag PNP.

Sa mga testimonya sang anay *budget officer* sang AFP nga si Lt. Col. George Rabusa sa Justice Committee sang Kongreso kag sa Senate Blue Ribbon Committee sang Pebrero, ginbuyagyag ang korapsyon sang matag-as nga upisyal sang AFP. Suno kay Rabusa, si Chief of Staff Angelo Reyes nagbulsa sang P150 milyon, si Diomedes Villanueva sang P160 milyon kag si Roy Cimat sang P80 milyon. Ang “pabaon” kag “pasalubong” ginhatag sa mga hepe sang AFP sa umpisa kag katapusan sang ila nga termino.

Dugang pa ni Rabusa, may mandu ang iya *boss* nga si Gen. Carlos Garcia nga magpain siya sang P5 milyon kada bulan para sa AFP Chief of Staff. May mga nagakatabo nga kumbersyon sang mga pondo sang mga sangang o serbisyo sang AFP nga ginkumpirma man sining ulihi sang anay *budget officer* sang Civil-Military Operations Staff nga si Lt. Col. Romeo Mateo kag iban pa nga nagatestigo.

Naghikog si Reyes sang Pebrero 8 bunga sang testimonya ni Rabusa. Ang 2 nga anay hepe sang AFP nanghugas sang kamot. Indi mapaathag ni Cimat ang 2 ka mansyon niya sa Iloilo City kon sa diin nakalista sa iya nga ngalan ang isa kag sa iya nga asawa nga si Fe (taga-San Jose, Antique) ang ikaduha. Indi man madumdu-man ni Gen. Jacinto Ligot ang mga balay nila nga mag-asawa sa US kag kon nagalisensya sa iya ang iya nga asawa sa tion nga upod siya kay Mrs. Teresita Reyes sa panglugayawan sa iban nga mga pungsod, gamit ang pondo sang AFP. AB



sang untat-lupok, sa pihak sang sitwasyon nga nagahina sang ikasarang sini. Sa katuyuan nga makatipon sang resorsa, nag-baligya ang mga pwersa anti-Gaddafi sang tubtob \$100 milyon nga langis sa bulig sang mga imperyalistang pungsod.

Madumduman nga gin-umpisahan sang France ang pagpamomba sang Marso 17 para piangon kuno ang depensa pangkahanginan sang pungsod. Nakalunsar ang mga ini sang tubtob 600 pagpamomba nga nagatum-ok sa tropa kag instalasyon nga militar sa duta.

Wala sang kahadlok nga ginaatubang sang Libya ang agresyong militar sang US samtang ginalutos ang pag-alsa sang mga armadong pwersa nga kontra-Gaddafi. Sa una nga adlaw sang pagpamomba, nagpahayag si Gaddafi nga pagaar-masan niya ang masobra isa ka milyon nga pumuluyo bilang paghanda sa pagpanalakay sang mga dumuluong nga tropa. Naghulag ang linibo nga pumuluyo para palibutan kag depensahan batuk sa pagpamomba ang mga sibilyan nga imprastruktura, lakip ang mga *radar station*, planta nga pang-enerhiya kag ginakuhaan sang tubig. Gindepensahan man nila ang mga *airport* sang Tripoli, ang mga ginadudahan nga hedkwarters sang militar, lakip na ang balay ni Gaddafi nga daan ginbomba sang US sang 1986.

Daku na ang nangin kahalitan sang pagpamomba sa mga istruktura kag mga lugar sang mga sibilyan nga Libyan. Lakip sa mga nawasak ang pila ka espesyalisado nga mga ospital sa Tripoli. Suno sa mga duktor didto, may mga pasyente sila nga napatay bangud sa pagkawasak sang ila nga mga pasilidad kag bahin sang ila nga mga bilding. Nareport man nga nagaabot sa 64 nga sibilyan ang napatay kag 150 ang napilasan sa pagpamomba sang

Marso 19-20. Bangud sini, napilitan ang Arab League nga magpanawagan nga gilayon nga untaton ang pagpamomba.

Antes pa man ang pagpamomba, hayagan ang panawagan sang US, UK kag France para patalsikon ang rehimeng Gaddafi bangud kuno sa brutalidad, pagmasaker kag iban pa nga malala nga paglapas sa tawhanong kinamatarung.

Sa pagpanulsol sang rehimeng Obama sang US, ginpatuman man ang embargo batuk sa Libya. Sa UN Resolution 1973, ginhatagan sang gahum ang Security Council nga magpasilabot sa internal nga pulitika sang Libya para "protektahan ang mga sibilyan" gamit ang anuman nga "kinahanglanon nga pamaagi." Sobra-sobra ang mga

tikang nga ini kon ikumparar sa nangin tindog sang US kag iban pang mga imperyalistang pungsod sa atubang sang malaparan nga pagpamigos sang mga demokratikong kinamatartung sa Tunisia, Egipt, Bahrain, Yemen kag Saudi Arabia, nga pareho nga ginapamunuan sang ila nga mga papet.

Ginapagwa sang US nga nagaisa ang UN nga gerahon ang Libya, pero ang matuod katunga sang Security Council ang nagbalibad nga magpirma sa resolusyon sini. Sang maathag nga wala sang katapusan ang gerang agresyon nga ginpamunuan sang US, labi nga nangin direktang ang pagpamatuk sang mga pungsod pareho sang Russia, China, Germany, Brazil kag India. Ang pagpanalakay sa Libya

ginapaanggid ni Vladimir Putin, punong ministro sang Russia, sa krusada sang una nga panahon."

Direkta ang pagpasilabot sang US sa Libya. Antes pa aprubahan sang UN ang Resolusyon 1973, naghimo na sang mga likom nga operasyon sa Libya ang mga espesyal nga operatiba kag espiya ang US, UK at iban pang imperyalista. Isa ka tim sang M16, ahensyang paniktik sang UK ang nadakop sa sulod sang pungsod sang Marso 17. Direktang gindeklarar sang US nga nagahimo sang mga espesyal nga operasyon ang Central Intelligence Agency sa sulod sang Libya.

Ang gera nga agresyon batuk sa Libya may tuyo nga waskon ang gubyrno nga nagapamatuk nga magpaidalom sa ila nga gahum. Madugay na nga gusto nga ibagsak sang US ang gubyrnong Gaddafi nga nagaupang sa tuyo sang mga dumuluong nga kumpanya nga lubos nga kontrolon ang industriya sang langis. Sang 2009 nagpaandam siya nga inasyunalisa ang industriya sang langis.

Wala sang kinatuhay ang "makatawong interbensyon" sang rehimeng Obama sa "gera kontra-terorismo" sadto sang rehimeng Bush. Lain man ang rason, isa lang ang tuyo sang mga ini: ang paluntaron ang imperyalistang gahum sang US paagi sa armadong agresyon. Pareho sang "gera kontra-terorismo," ang "makatawong interbensyon" isa ka manipis nga tabon sa gerang agresyon nga nagalapak sa soberanya kag integridad sang mga nagatindog sa kaugalingon nga pungsod. Ang gerang agresyon sang US kag mga alyado sini batuk sa Libya pareho man sang mga gerang agresyon sini sa Iraq kag Afghanistan, amo man sa Kosovo, Serbia kag iban pa.

AB

Editoryal

Labi nga papagsikon ang mga pangmasang paghimakas batuk sa rehimeng US-Aquino

Ang mga aksyon protesta sang nagligad nga simana batuk sa nagapadayon nga pagtaas sang presyo sang gasolina kag lain-lain nga produktong petrolyo nagapatampok sa padayon nga nagabaskog nga mga aksyon protesta batuk sa kontra-pumuluyo kag maki-dumuluong nga polisiya nga ginapaturan sang rehimeng Aquino. Pila ka pulo kalibo nga pumuluyo ang nagpasakop sa mga demonstrasyon sa karsada sa mga pangunahon nga syudad sa bug-os nga pungsod.

Ang kalapad kag kasingki sang mga demonstrasyon nga ini sa mga pangunahon nga syudad salaming sang madalom kag mabaskog nga kaakig sang pumuluyo sa ginapaluntad nga polisiya kag sistema sang rehimeng Aquino. Patimaan ini sang indi lang nagapadayon nga paglala sang krisis pangkatilingban, kundi labaw pa gid, sang nagadamo nga numero sang pumuluyo nga nagatindog batuk sa nagabug-at nga palas-anon nga dulot sang krisis nga ini.

Ang nagapadayon pa nga mga paghulag sang pumuluyo batuk sa pagtaas sang presyo sang langis kabahin sang padayon nga pagbaskog sang mga pangmasang paghimakas halin pa sang nagligad nga tuig. Pila ka bulan lang halin nga magpungko si Aquino, gilayon niya nga ginpaibwal ang kaakig sang pumuluyo sang halos dululungan niya nga ginpatuman ang mga polisiya nga nagapabug-at sa ila palas-anon kag nagapalala sang ila kaimulon kag kalisdanan. Ang

paglaum sang pumuluyo nga makaangkon sang pagbag-o sa pagsulod sang bag-ong guberno gilayon nga nadula sang ipakita ni Aquino nga wala siya sang plano nga sabton ang demanda sang pumuluyo.

Pila ka bulan pa lang sa iya pagpungko sa poder, ginpakita gilayon ni Aquino kon sin-o ang tunay niya nga “boss”. Sandig sa dikta sang International Monetary Fund kag World Bank, ginbuhinan niya ang badyet sa edukasyon, ikaayong lawas kag iban pang serbisyo sosyal. Kadungan sini, gin-aprubahan niya ang mga hagna nga pataason ang sukot sa mga *expressway*, pati na ang pamasaha sa mga tren sa Kamaynilaan.

Matingkad nga ginapakita sang mga isyu nga ini ang bangian nga mga prayoridad ni Aquino pabor sa mga abyan kag kapareho niyang sahi



**Mga tampok
sa isyu nga ini...**

Protesta kontra sa
pagtaas sg presyo
sg langis PAHINA 3

Unyonista, mama-
hayag, ginpatay
PAHINA 7

Mapaslawan ang US
nga paludhon ang
Libya PAHINA 11

Mga pagsulundan sa pagbalhag

1. Ang **ginsundan nga pahina**, nga eksakto nga kopya sang pahina 1 maluwas sa mas malus-aw ang *masthead* o *logo* para sa mga nagagamit sang *mimeo machine* o naga-imprenta sa pamaagi nga *v-type*. Gindisenyo ini para indi madali masamad ang istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Kuhaon ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Siguruhon nga naka-*set* sa **100%** ang **Scaling**
- g) Padayunon ang pag-*print*

3. Ginabuyok ang mga kaupod nga ipaabot sa editoryal istap sang *AB* ang anuman nga problema angut sa pagbalhag paagi sa *v-type*. Magpadala sang e-mail sa angbayan@yahoo.com.